



柳田文庫  
文庫11  
D 295  
2





文庫11  
D295  
2

續弘簡錄元史類編卷之二

皇清詹事府少詹事仁和邵遠平戒山學

天王一

世祖皇帝諱忽必烈太祖之孫皇子拖雷第四子憲宗同母弟也  
以乙亥八月乙卯生及長仁明英睿思大有為於天下歲辛  
亥憲宗即位諸弟惟帝最長且賢故盡屬以軍國庶事南駐瓜  
忽都之地亦曰金蓮川于是徵姚樞于燕門待以賓禮初太宗立軍  
儲所于新衛收山東河北丁糧後惟計直取銀帛帝請於憲宗  
築五倉于河上始令民入粟宋兵時侵南境帝請置經畧司于  
汴以史天澤楊惟中趙璧為使俾屯田唐鄧繕城以備宋兵壬  
子夏奉命征雲南癸丑受京兆分地遣將成興元諸州又奏割  
河東解州鹽池以供軍立從宜府于京兆屯田鳳翔募民受鹽



010190562935



入粟轉漕嘉陵更立京兆宣撫司以廉希憲楊惟中為使徵許

衡為京兆提學設交鈔提舉司印鈔以佐經用其法以絲為本每銀五十兩易

絲鈔一千兩諸物之直並從絲例秋出師臨洮次忒刺分三道以進帝由中道

至滿陀城過大渡河經山谷行二千餘里抵金沙江乘革囊以

濟摩娑蠻主迎降在大理北四百餘里冬師至白蠻打郭寨其下堅壁拒

守攻拔之不戮一人進次三旬白蠻送款軍薄大理城時大理

主段興智微弱國事皆決于高泰祥祥幸衆遁去帝命大將野

古追斬之分兵取附都都蘭烏爨等部進入吐番渠長峻火脫

懼出降遂班師甲寅冬至自大理入覲憲宗受命駐桓撫開建

城龍岡初憲宗分漢地封宗屬而雅愛帝欲重之權命於汴京

關中自擇其一帝已得關中至是憲宗曰關中戶寡河南懷孟

孟陝民夥可取以自益于是盡有關中河南之地會有饑

得中土心者憲宗疑之命阿藍答兒行省事于京兆劉太平佐

之鈞考河南陝西諸路財賦置局關中大開告訐帝用姚樞行

盡遣妃主歸朝自見憲宗于六盤山相持各泣下竟不令有所

白而止遂罷鈞考局而帝所置諸司亦廢憲宗將分道伐宋命

帝征鄂州戊午冬自龍岡啟行己未秋次汝南戒諸將毋妄殺

命楊惟中郝經宣撫江淮八月入大勝關宋戍兵皆遁進次黃

陂九月駐師江北宋相賈似道統兵來援適親王莫哥遣使以

憲宗凶問至且請北歸繫人望帝曰吾奉命南征豈可無功遽

還自登香鑪山俯瞰大江江北曰武湖湖東為陽邏堡其南岸

即許黃洲宋以大舟扼江渡軍容頗盛帝遣兵夜具舟遲明至

江岸風雨晦冥諸將皆謂未可渡帝不從令揚旗伐鼓進天為

開霽與宋師接戰者三殺獲萬餘人逕達南岸屯兵圍鄂州似



道懼密遣宋京如師願稱臣納幣請和帝不許攻益急俄聞先  
 朝諸臣阿藍答兒渾都海等謀立帝弟阿里不哥輒乘傳調兵  
 去龍岡僅百餘里會似道再造京至約歲奉銀絹各二十萬帝  
 從郝經廉希憲議許之十一月大軍北還輟耕錄云世皇軍次  
 黃河苦乏舟夜夢老  
輿引至一所指曰此可渡也帝以物標識之乃覺明日循行河  
 許問忽有人進曰此間水淺可渡帝曰汝能先涉否其人乃行  
 大軍自後從之皆濟帝欲旌其功對曰富貴非所  
 願但得自在足矣遂與五品印撥三百戶食之  
 燕京近郊縱新僉民兵人心大悅

中統元年庚申宋理宗景  
定元年春三月戊辰朔日食車駕至龍岡新

城親王合丹莫哥塔察兒等率東西二道宗王來會與諸大臣

皆勸進辛卯帝即位大方通鑑云促鑄寶篆  
夏四月戊戌朔初

定官制以王文統為中書省平章政事張文謙為左丞務太禮  
赤掌兵柄則左右萬戶而已後稍倣金制置行省及元郵宣撫

等宮帝乃大新制作其總政務者曰中書省秉兵柄者曰樞密  
院司職諺者曰御史臺其次內則有寺監院司衛府外則有行  
省行臺宣慰廉訪其牧民則有路府州縣皆以蒙  
古人為之長而漢人南人副焉一代官制漸備辛丑以即位

詔天下曰朕惟祖宗肇造區宇奄有四方武功迭興文治多缺

五十年於茲矣蓋時有先後事有緩急天下大業非一聖一朝

所能兼備也先皇即位之初風飛雷厲將大有為憂國愛民之

心雖切於已尊賢使能之道未得其人方董夔門之師遽遺鼎

湖之泣豈期遺恨竟弗克終肆予冲人渡江之後蓋將深入焉

乃聞國中重以僉軍之擾黎庶驚駭若不能一朝居者予為此

懼驛騎馳歸目前之急雖紆境外之兵未戢乃會羣議以集良

圖不意宗盟輒先推戴左右萬里名王巨臣不召而至者有之

不謀而同者皆是咸謂國家大統不可久曠神人重寄不可暫

虛求之今日太祖嫡孫之中先皇母弟之列以賢以長止予一

世祖



人雖在征伐之間每存仁愛之念博施濟眾實可為天下主天  
 道助順人謀與賢祖訓傳國大典於是乎在孰敢不從朕峻辭  
 固讓至於再三祈懇益堅誓以死請於是俯狗輿情勉登大寶  
 自惟寡昧屬時多艱若涉淵冰罔知攸濟爰當臨御之始宜新  
 弘遠之規祖述變通正在今日務施實德不尚虛文於戲曆數  
 攸歸欽應上天之命勳親斯託敢忘列祖之徽誕告多方與民  
 更始丁未以郝經為國信使何源劉人傑副之使宋議和且徵  
 前約丙辰置急遞舖僉舖兵一晝夜行四百里以速軍機乙丑  
 徵諸道兵六千五百人入宿衛此在內設立禁軍之始輟耕錄  
 言分番直宿衛也以太祖功臣博爾忽博爾木木華黎赤老溫  
 四族出領怯薛之長太官怯薛者分宿衛供奉之士為四番番  
 三書夜凡上之起居飲食服御諸政令怯薛之長總焉年勞既  
 久俸擢為一品或以才任使貴盛雖極一旦歸至內庭則執事  
 如故自此日漸增設一朝有一朝之怯薛歲賜鈔帛以億萬計  
 國費大耗于此又貴由赤者快行是也每歲一試之名曰放走

以足力便捷者膺上賞監臨官齊其名數而約之以繩使無後  
 先然後去繩放行在大都則自河西務起若上都則自泥河兒  
 起越三府走一百八十里直抵御前立互市于潁州漣水軍  
 伏先至者賜銀一餅餘賜緞疋有差

禁私商不得越境犯者死阿里不哥僭號于和林五月戊辰朔  
 建元中統詔曰祖宗以神武定四方淳德御羣下朝廷草創未  
 遑潤色之文政事變通漸有綱維之目朕獲續舊服載擴丕圖  
 稽列聖之洪規講前代之定制建元表歲示人君萬世之傳紀  
 時書王見天下一家之義法春秋之正始體大易之乾元炳煥  
 皇猷權輿治道可自庚申年五月日建號中統元年惟秉錄握  
 符之始必立綱陳紀為先故內設都省以總權綱外置諸司以  
 平庶政仍以典利除害之事補偏救弊之方隨詔以頒於戲建  
 極體元必因時而著號施仁發政期與物以更新凡在臣民各  
 宜遵守甲午以阿里不哥反赦天下詔曰我國家列祖肇基先



皇繼統惟圖日闢于疆宇未免歲耀于兵威事有當爲時難遽  
已朕獲承丕祚已降德音念士卒暴露者久之而人民離散者  
多矣干戈載戢田里俾安不期同氣之中俄有闖牆之侮顧其  
冲幼敢啓茲謀皆被姦讒相濟以惡彼既階於禍亂此當應以  
師徒朕惟父母兄弟之親宗廟社稷之重遣使敦諭至於再三  
怙惡執迷曾無少革以致神人共怒殺伐用章重念兵方弭而  
復徵民甫休而再擾危疑未釋反側難安聖謨恐及於無辜拘  
囚或生于不測非朕本意盡然傷心宜推浩蕩之恩普示哀矜  
之意於戲悛心或啓忍加管蔡之刑內難既平逖續成康之治  
咨爾臣庶體朕至懷詔頒新政一求直言曰朕自卽位以來宵  
衣旰食孜孜求治然天下之大萬事之衆非一耳目所周知也  
自今凡政令之未便人情之未達朝廷得失軍民利害有上書

陳言者皆得實封自獻其在內者赴省聞奏在外者投宣撫司  
申省轉奏卽言不可採並弗加罪如其可用則優之遷賞以旌  
忠直一理冤滯曰凡犯刑至死者如州府審問獄成卽行處決  
則死者不可復生斷者不可復續案牘繁冗須臾決斷萬一差  
誤悔將何及人命至重朕實哀矜今後凡民間犯死刑及部曲  
獲重罪鞫問得實先具情事始末奏聞待報然後寘諸法一均  
賦役曰爰自包銀之法行積弊到今民力愈困朝廷立制本欲  
利民而反以害民非法之弊乃人弊之也蓋由濫官汚吏夤緣  
侵漁科歛則務求羨餘輸納則暗加折耗以致濫刑虐政暴斂  
急徵吾民安得不重困耶舊弊苟不悉除新政何能得立今後  
應科差發斟酌民力務各均平期于安靜俾吾民共享有生之  
樂一撫軍士曰大軍每年征進行者有暴露之苦居者負輸輓



之勞加以管軍頭目不知存恤橫派科歛多致騷擾不安朕甚  
 憫焉今後禁約諸路管軍人等毋得循習舊弊凡軍前効力功  
 績顯著者速行遷賞例從優厚至于撫綏安養使大軍皆得休  
 息者朝廷別有區處一止貢獻曰開國以來庶事草創既無俸  
 祿以養廉故縱賄賂而為蠹凡事撒花等物無非取給於民名  
 為已財實皆官物取百散一長盜滋奸若不盡更為害非細始  
 自朕躬斷絕斯弊除外用進奉軍前克敵之物并幹脫等拜見  
 撒花等物並行禁止內外官吏視此為例俱見典章乙未熒惑入南  
 斗留五十餘日分漢地為十路置宣撫司賽典赤李德輝燕京  
 路宋子貞益都濟南路史天澤河南路楊果北京路張德輝平  
 陽太原路劉肅真定路姚樞東平路張文謙大名彰德路粘合  
 南合西京路廉希憲京兆路皆宣撫使定戶籍科差例分全科

及減半科納絲輸鈔有差凡儒人及軍站僧道等戶皆不與食

平陽京兆兩路兵七千人于延安守隘此在外設立鎮戍軍之始徵諸路兵

三萬衛京師六月戊戌以李壇為江淮大都督阿里不哥使劉

太平霍魯懷入京兆謀為變廉希憲至捕誅之并誅乞帶不花

于東川明里火者于西川六盤守將渾都海起兵應阿里不哥

反秋七月癸酉以趙璧平章政事張啓元參知政事王鶚翰林

學士承旨史天澤兼江淮諸翼軍馬經畧使丁丑設祖宗神位

于中書省遣官致祭用登歌樂初祭享之禮制牲奠馬通以帝

自將討阿里不哥八月己酉立秦蜀行中書省以廉希憲為右

承行省事勅軍士所過毋擅撻辱官吏九月壬午初置拱衛儀

仗及祭器法服陝西行省丞相阿藍答兒自和林起兵至西涼

與渾都海軍合丙戌命諸王合丹哈必赤率師敗之于姑臧擒

與渾都海軍合丙戌命諸王合丹哈必赤率師敗之于姑臧擒



斬之西土平冬十月癸丑初行中統寶鈔自十文至二貫文凡  
 十等不限年月諸路通行賦稅並聽收受十一月戊子熒惑與  
 填星順行太陰犯房發粟賑益都濟南濱棣自是凡遇各路  
投下水旱荒饑輒發穀鈔賑糶史不勝書十二月丙申帝至自和林乙巳以西僧八  
 思巴為帝師授玉印統釋教是歲立太常寺王宸院儀鳳司符  
 寶局御酒庫升龍岡新城為開平府以吏戶禮為左三部兵刑  
 工為右三部各設尚書二員

二年辛酉春正月辛未夜東北赤氣照人大如席庚寅李璽擅  
 發兵修益都城塹二月丁酉太陰掩昴丙午車駕幸開平詔減  
 民間差發及軍站戶重科租稅罷守隘軍三月壬戌朔日食夏  
 四月丙午聽儒士被俘者贖為民乙卯命十路宣撫官勸農桑  
 抑游惰禮高年問民疾苦舉茂才異等可從政者列名上聞其  
 職官汚濫及民不孝弟者量輕重議罰是月躬祀天于桓州之

西北灑馬湏為禮皇族之外無得與五月乙丑遣崔明道李全  
 義為詳問官詣宋問國信使所在庚辰諭使臣經過宮給餼廩  
 軍士毋輒入民家丁亥弛諸路山澤禁私殺馬牛越境私販

馬者罪死命史天澤為中書右丞相河南軍民並聽節制置惠  
 民藥局其法官給鈔本月營子錢備藥物仍擇良醫主之每局

給銀五百錠為規運本至元二十五年以曆失官本悉  
罷成宗大德間復置以姚樞為太子太師竇默為太子太傅許衡為太子

太保皆辭不拜六月癸巳諭各路宣聖廟有司歲時致祭諸儒  
 月朔釋奠諸官員使臣軍馬毋得宿廟及聚飲理訟其中書院  
 亦如例違者加罪丙申罷諸路拘收李蘭奚括漏籍老幼等戶  
 協濟編戶賦戊戌太陰犯角庚子定鹽酒稅法每鹽一引乙卯  
 罷安邑貢蒲萄酒免衛輝懷孟賦稅償其所借芻粟庚申宋安



撫劉整籍瀘州十五郡來降以整為夔路安撫使升真定鼓城縣為晉州罷金銀銅鐵丹粉錫礫坑冶所役民夫及河南舞陽薑戶藤花戶還州縣出工局繡女懷孟提舉王允中引沁水鑿渠成溉田四百六十餘所賜名廣濟渠命耶律鑄為左丞相秋七月辛酉朔立軍儲都轉運司癸亥立翰林國史院勅修遼金二史以史天澤耶律鑄為監脩官採訪遺事命宋降將王青製神臂弓柱子弓教武衛軍習射諭河南管軍官于近城地量存牧場餘聽民耕乙丑遣官持香帛祀嶽瀆海鎮及后土凡十有九處分五道每歲代祀自此始辛巳詔許衡即其家教懷孟生徒制曰咨爾許衡天資雅厚經學精專諸凡講論之間深得聖賢之奧受罰者恐陳君所短為盜者畏王烈之知所在嚮風真堪正俗可令于懷孟等處選揀子弟俊秀者舉歸教育取作範模再令

董子帷前有傳授之弟子重使王通門下皆經濟之名臣毋喪

斯文以弼予治

見河南志

已丑命鍊師王道歸于真定築道觀賜

名玉華

自後每忌日享睿宗帝后御容于玉華宮即此

發諸道兵伐宋詔曰朕即位之

後深以戢兵為念遣使於宋以通和好宋人不務遠圖伺我小隙反啓邊釁東剽西掠曾無寧日朕今春還宮諸大臣皆以舉兵南伐為請朕重以兩國生靈之故猶待信使還歸庶有悛心其成和議留而不至者今又半載矣往來之禮遽絕侵擾之暴不已曲直之分灼然可見卿等當整爾士卒礪爾戈矛矯爾弓矢秋高馬肥水陸分道而進大典問罪之師尚賴宗廟社稷之靈其克有勳毋替朕命八月壬辰賜故金補闕李大節諡貞肅修撰魏璠諡靖肅戊戌以賓典赤平章政事許衡為國子祭酒姚樞為大司農竇默仍翰林侍講學士庚子立勸農司以陳邃



崔斌等為使壬寅頒斗斛權衡丙午太白犯歲星宋私商七十  
 五人入宿州有司議寘法帝宥之聽權塲賀昇九月庚申朔奉  
 遷祖宗神主于聖安寺藏之瑞像殿戊辰徵儒人楊庸為教授  
 教孔顏孟三氏子孫王鏞為太常少卿教習大樂辛未置和糴  
 所于開平丙子諭諸王駙馬凡民間詞訟無得私自斷決田租  
 輸沿河近倉官為轉漕毋勞民癸未改開元路隸北京免真定  
 官民所貸宮錢立諸路提舉學校官以王萬慶敬鉉等三十人  
 充之冬十月庚寅朔帝自將討阿里不哥諸王合丹捨察兒從  
 命平章趙璧尚書怯烈門各率蒙古漢軍駐燕京近郊太行一  
 帶東至平灤西控關陝修立堡寨壬寅命亳州張棻歸德鄆浹  
 睢州王文幹水軍解成張榮寔東平嚴忠嗣濟南張宏七萬戶  
 及指揮使鄭江董文炳各率所部兵詣行在十一月壬戌與阿  
 里不哥遇于昔木土腦兒之地諸王合丹捨察兒分兵奮擊大  
 破之追北五十里帝親率師躡其後阿里不哥北遁庚午太陰  
 犯昴癸酉命怯烈門趙璧率諸軍從捨察兒北上分蒙古軍一  
 出居庸關駐宣德德興府一出古北口駐興州帝親將諸萬戶  
 漢軍及武衛軍由檀順州駐湖河川以防之罷十路宣撫司止  
 留開元路十二月辛卯熒惑犯房壬辰犯鈞鈴甲午帝還師詔  
 撤所在戍兵放民間新僉軍壬寅立異樣局達魯花赤掌御用  
 織造立宮殿府專職管繕及御衣官闕尚食尚藥諸局設控鶴  
 軍五百四人以軍使領之按唐武后聖曆二年創置控鶴府久  
 元二十年以控鶴一百三十五人隸府正司三十一  
 年增控鶴六十五人立衛候司領之兼管東宮儀從是歲天下  
 戶一百四十一萬八千四百九十有九

三年壬戌春正月辛未禁諸道戍兵及勢家縱畜牧犯桑棗承



稼癸酉以軍興人民勞苦停公私逋負母徵丙戌命備宮懸鐘

磬樂舞齋翟用樂工三百六十二人二月丁亥朔定中外官俸

解醒語云并定朝班凡執政大臣謂擎天班玉堂清署謂煥壁班言官法司謂劍鏑班親王謂瓊枝班功臣將帥謂豹首班外

餘朝臣謂隨班巳丑李壇反以漣海三城獻于宋遂入益都丙

申郭守敬造寶山漏成徙至燕京甲辰詔發兵討李壇一會東

平一會濱棣以諸王哈必赤總軍事巳酉王文統坐與李壇通

謀伏誅詔諭天下曰人臣無將垂千古之彛訓國制有定懷二

心者必誅何期輔弼之僚廼蓄奸邪之志平章政事王文統起

由下列擢寘台司倚任不為不深待遇不為不厚與收成效以

底不平詎知李壇之同謀潛使子蕘之通耗邇者獲親書之數

幅審其有反狀者累年宜加肆市之誅以著滔天之惡於戲負

恩而謀逆死有餘辜處相位而被極刑時或未矜容

案所宜知悉子李壇據濟南三月巳未括木速蠻畏吾兒也

里可温達失蠻等戶丁為兵徙弘州錦工繡女于京師壬申命

戶部尚書劉肅專理鈔法免北京西京絲銀稅夏四月丙戌朔

大軍圍濟南辛卯修河中禹廟賜名建極宮甲辰太白晝見敕

諸路管民官勸民開墾種植不得擅興不急之役妨奪農時乙

卯詔軍民為李壇裔從者宥其罪命右丞相史天澤專征五月

庚申築環城圍濟南禁軍行所在剽掠濱棣今歲田租之半

東平十之三戊辰命大司農姚樞與尚書劉肅共商議中書省

事六月乙酉朔割遼河以東隸開元路徙婆娑府屯田軍于鴨

綠江西以防海壬寅陝西行省言西京宣德太原匠軍困乏乞

僉民往代帝曰軍籍已定豈宜更張可令貧富相資果甚貧者

聽休息一歲秋七月戊午復蒙古軍站戶差賦農民包銀徵其



半俘戶止令輸絲民當供賦之月毋徵私債甲戌李壇就擒磔于市甲申夜有白氣亘天八月己丑郭守敬請開玉泉水以通漕運王允中請開邢洛二州漳滏澧河達泉以溉民田並從之甲午以宣德州德興府銀冶付匠戶歲取銀及石綠丹粉輸官丙午立諸路醫學教授九月戊午以董文炳兼山東路經畧使收集益都舊軍充武衛軍戍南邊壬戌改邢州為順德府癸酉命阿朮為征南都元帥治兵于汴閏月甲申朔免諸路軍戶他徭發粟三十萬賑濟南冬十月丙寅分東西兩川都元帥府為二賜高麗國王曆自是每歲皆賜庚午敕總帥汪惟正將戍青居軍還屯田利州乙亥分立中書左右部以回紇人阿合馬領之仍兼諸路都轉運使專理財賦丁丑禁畿內畋獵諭質子軍人侍諸將校之子弟充軍十一月乙酉太白犯鉤鈴辛丑日有背氣電

暈三理作佛頂金輪會于聖安寺金籙周天黜于長春宮

間遷河西民居應州官給牛種仍賜布人各二匹乙巳史天澤

入見帝曰朕自知性不容物或乘怒欲有誅殺卿宜逗留俟覆奏方行戊申升撫州為龍興府建行宮十二月甲寅封皇子真金為燕王守中書令丙辰立河南山東兩路統軍司自亳州至均州諸萬戶隸河南宿州至海州諸萬戶隸山東丁巳立十路宣慰司以總軍民立諸路轉運司掌權稅癸亥詔各路總管兼萬戶者止理民事勿預軍政其州縣官兼千百戶者仍其舊諸路管民總管子弟有分管州府司縣及鷹坊人匠諸務者悉罷之戊寅升太原臨泉縣為臨州是月印中書省奉祀祖宗神位備三獻官大禮使司徒攝祀事禮畢神主復藏瑞像殿四年癸亥春正月丙戌改諸路監權課稅所及清滄深鹽提領



所為轉運司甲午立十路奧魯總管府癸卯從阿合馬請興河

南鐵冶設巡禁私鹽軍

續文獻通考云以解州鹽引以廉希憲一萬五千道和中陝西軍儲

為中書平章政事姚樞為左丞商挺參知政事乙巳諭諸路漢

軍奧魯毋隸各萬戶管領其科徵差稅山東河南隸統軍司東

西兩川隸征東元帥府陝西隸行戶部辛亥放濟南所俘民文

面為奴者歸元籍二月壬子朔詔諸路官員子弟入質車駕幸

開平發各衛軍千五百人扈從諸衛漢軍萬五千人駐山後蒙

古軍三千人駐官山防守歲如制甲子以王德素充國信使致

書于宋詰其稽留郝經之故括民間兵器匿者死三月己亥定

諸路包銀准輸鈔其絲料入本色非產絲之地亦聽折鈔凡當

差戶包銀鈔四兩每十戶輸絲十四觔漏籍老幼鈔絲減三之

一癸卯初作太廟于燕京夏四月庚戌朔以漏籍附籍諸戶一

萬六千於各處起歲課鐵四百八十萬七千觔罷開元宣慰

司以太祖所行事蹟付史館五月乙酉初立樞密院以皇子燕

王兼判院事戊子升開平為上都辛卯立平準庫以均物價通

鈔法庚子升開平望雲縣為雲州松山縣為松州從阿合馬請

以歲入鐵鑄農具令民易粟輸官六月癸酉建帝堯廟于平陽

賜田十五頃命線真為右丞相哈察兒為左丞相秋七月癸未

禁諸殺下毋擅勾攝燕京路州縣官吏諸路探馬赤毋擾民蒙

古軍不得以民田為牧地戊戌弛沿邊軍器禁升燕京安次縣

為東安州固安縣為固安州置權場于樊城與宋通互市八月

戊申朔置元帥府于大理升宣德州為府隸上都以淄萊登三

州為總管府治淄州命昔撒昔總制鬼國大理兩路兵部郎中

劉芳使大理至此番過害詔恤其家戊午以阿脫商挺行樞密



院于成都凡成都順慶潼川元帥府並聽節制甲子以西涼經  
 兵賑之鈔仍免租賦三年論諸臣傳旨有疑者許覆奏壬申車  
 駕至上都九月乙酉立漕運河渠司禁民間所市布帛疎薄  
 狹短者宋主昀崩子禧嗣改元咸淳冬十二月丁未朔令益都  
 元帥欽察統鳳翔青居平陽軍戍虎窟寨甲戌徵也里可溫達  
 失蠻僧道等戶田租商稅是歲天下戶一百五十七萬九千一  
 百一十定民間絕戶財產並拘入官母寡子幼者其母不得私  
 鬻田宅放賤為良富家子弟父兄在者不得私借錢債典售家  
 產人口違者斷追入官見典章

至元元年甲子春正月丁丑朔高麗國王王禰遣使來賀自是

至勅諸路宣慰使非奉詔無輒入覲諸王位下工匠已相為

民者並徵差賦癸卯築冷水河城分兵戍之二月辛亥選儒士

編修國史譯經書起館舍給俸贍之壬子修瓊花島在大內西

陽之疏雙塔漕渠丁卯太陰犯南斗癸酉車駕幸上都以西北諸

王欵附召諸路總管赴上都大朝會夏四月戊申以彰德洛磁

路引漳滏江水灌田致御河淺澁鹽運不通命塞分渠以復水

勢辛亥太陰犯軒轅御女星戊午太白晝見五月乙亥遣郭守

敬行視西夏河渠庚辰勅劍州守將分軍守劍門關立寨人頭

山釋宋私商五十七人給糧遣歸丙戌太陰犯房巳亥犯昴以

粘合南合平章政事秋七月甲戌彗星出鬼柳昏見西北光燭

天長數十丈貫上台掃紫微文昌北斗且見東北凡四十餘日

癸未改新鳳州為徽州以西番十八族部立安西州丁酉龍門

禹廟成庚子阿里不哥與親王玉龍答失阿速帶昔里吉等及

其謀臣不魯花阿里察脫忽思自歸上都帝曰諸王皆太祖之

世祖



齋釋不問惟誅不魯花等三人八月壬寅朔定京府州縣官放

假格天壽立春端陽立秋重陽冬至及七月望十月朔各給一

日元旦寒食各給三日又每月三次放旬假其初一初八

十五二十三并乙亥日並禁屠宰詔諸縣尹品秩雖小民生休戚繫焉徃徃任

用非人致使恩澤不能下逮民情不能上通措克侵凌爲害非

細應選循良廉幹之人徃任斯職專一撫字吾民以五事考課

爲升殿戶口增田野闢詞訟簡盜賊息賦役均五事備者爲上

選升一等四事備者添一資三事成者爲中選依例遷轉四事

不備者減一資五事俱不舉者黜俱見乙巳立諸路行中書省

以省官出領其事軍國重務無不統攝詔頒新立條格定官吏

員數分品從等秩給俸祿授公田計日月以考殿最禁擅用官

物勿以官物進獻勿借易官錢勿擅科差役凡軍馬不得停泊

村坊詞訟不得隔越陳訴恤孤寡勸農桑驗旱澇平市價具盜

賊囚徒起數月申省部其諸王使臣驛傳稅賦差發不得擅招

民戶不得以銀與非投下人爲幹脫禁口傳敕旨及追呼省臣

官屬庚戌定諸站戶限田四頃免稅以供驛馬及祗廳癸丑賜

僧子聰復姓劉易名秉忠拜太保參領中書省事始定都于燕

改燕京爲中都分立省部其大興府仍舊丁巳改元大赦詔曰

應天者惟以至誠拯民者莫如實惠朕以菲德獲承慶基內難

未戡外兵未戢夫豈一日于今五年賴天地之界矜暨祖宗之

垂裕凡我同氣會于上都雖此日之小康敢朕心之少肆比者

星芒示儆雨澤愆常皆闕政之所由顧斯民其何罪宣布惟新

之令溥施在宥之仁可大赦天下改中統五年爲至元元年於

戲否徃泰來迓續亨嘉之會鼎新革故正資輔弼之良咨爾臣

民體朕至意戊午彗星消伏甲子復見于參車駕至自上都是

自



續通志卷之二

二月臨幸八月始還元世冬十月庚戌有事于太廟奉安祖宗

諸帝率循無異皆不書典章云定諸盜罪不至死者均刺斷

神主戊辰改武衛軍為侍衛親軍分左右翼充警

跡人十一月辛巳吉里迷國內附言東有骨嵬亦里干兩部歲

來侵疆詔發兵征骨嵬壬辰罷領中書左右部并入中書省仍

以阿合馬平章政事兼諸路都轉運使知太府監事十二月乙

巳定中外官儀從甲子太陰犯房詔宋人新附及北人陷沒來

歸者皆月給衣糧庚午罷各路奧魯官並各投下達魯花赤始

立州郡長吏遷轉法五品以上宣授六品以下敕授是歲招集

析居放良還俗僧道編集人戶名怯憐口習諸色匠藝設總管

府領之

二年乙丑春正月辛未朔日食祭西徙鎮海百里入謙謙州諸

色匠戶于中都給銀萬五千兩為行費又徙奴懷忒木帶兒破

手入匠赴中都造船運糧乙酉籍河南北荒田分給蒙古軍耕

種庚寅城西番匯各路癸巳入東乞兒部牙西來朝貢銀鼠皮

二月辛丑朔併六部為四以麥木丁為吏禮部尚書馬亨為戶

部尚書嚴忠範為兵刑部尚書別魯丁為工部尚書禁山東諸

路私煎硝磺甲子定蒙古人充各路達魯花赤漢人充總管回

鶻人充同知承如制典章云凡文案一同列行印信廉希憲商

挺罷以寶合丁王晉代之諭僧人通五大部經者為中選以有

德業者為州郡僧錄判正副都綱等官仍于各路設三學講三

禪會三月乙未罷南北互市括民間南貨官給其直骨嵬襲擊

吉里迷部兵帝命出粟及弓甲給之免權上都商稅酒醋諸課

夏閏五月癸卯升修縣為景州罷淘金總管府聽民採辦丁卯

定四親王南京分地鄭州隸合丹鈞州隸明里睢州隸李羅赤

續通志卷之二



蔡州隸海都其他屬邑復還朝廷命趙璧行省南京廉希憲行  
省東平姚樞行省西京詔各路州府戶不滿千者量加併省凡  
投下者各附所隸州城其散府州郡戶少者不更設錄事司及  
司候司附郭縣止聽州府官兼領自是裁併州縣凡二百二十餘所六月戊辰  
朔新得州土官向良內附令移戍迨江徙山東統軍司于沂州  
丙子太陰犯心大星秋八月己卯諸省臣皆罷命安童為右丞  
相伯顏為左丞相阿朮帥師攻廬州安慶諸路宋將范勝張林  
高興孟興戰死九月戊戌將有事于太廟命滌養犧牲取大樂  
工于東平預習儀禮庚子皇孫鐵穆耳生冬十月己卯享太廟  
尊皇祖為太祖追諡聖武皇帝皇祖妣為光獻皇后癸未勅統  
軍萬戶麾下所俘人口官贖為民其私越禁界被獲者許親為  
完聚詔貧難軍或兩戶三戶合出正軍一名其丁單有力者許

募人應役十二月庚午改北京西夏二行省為宣慰司已丑瀆  
山大玉海成置廣寒殿改諡皇考睿宗為景襄皇帝上皇妃尊  
諡為莊聖皇后升祠睿宗廟置宗王府扎魯忽赤十員掌諸王  
駙馬投下蒙古色目人應犯一切公事及漢人姦盜等罪

三年丙寅春正月壬子立制國用司以阿合馬為使張惠副之  
張易同知司事二月丙寅復以廉希憲平章政事張文謙為左  
丞阿里為右丞史天澤為樞密副使甲申製太常禮樂工冠服  
復立東京廣寧懿州開元恤品合懶摩娑等路宣撫司參知政  
事王晉侍中和哲斯轉運使王明坐隱匿鹽課伏誅夏四月丁

卯五山珍御榻成置瓊華島庚午定歲祀嶽鎮海瀆之制正月  
鎮海瀆土王日記泰山于泰安州沂山于益都府立春日祀東  
海于萊州大淮于唐州三月南嶽鎮海瀆立夏日遙祭衡山土  
王日遙祭會稽山皆在河南府界立夏日遙祭南海大江于萊  
州界六月中嶽鎮土王日記嵩山于河南府霍山于平陽府七



月西嶽鎮海濱土王日祀華山于華州吳山于隴縣立秋日遙  
祭西海大河于河中府界十月北嶽鎮海濱土王日祀恒山于  
曲陽縣醫巫閭于遼陽廣寧路立冬日遙祭北  
海于登州濟濱于濟源縣既有江南乃罷遙祭五月丙午浚西  
夏中興漢延唐來等渠丙辰罷益都行省及息州安撫司六月

丁卯封皇子南木合為北平王戊寅申嚴陝西河南竹禁初二  
有繫官竹制每歲以時砍伐易之民秋七月丙申以張德輝參  
間至是始造竹引凡發賣皆給以引議中書省事己未發西夏避亂民還本籍成都新民為豪家所

庇者勒歸州縣追尊始祖也速該為烈祖神元皇帝妣月倫為  
宣懿皇后遣使諸路慮囚冬十月庚申朔降德興府為奉聖州

徙平陽經籍所于京師改名弘文院丁丑太廟成定為八室奉  
安神主于祔室烈祖暨懿宣后第一室太祖暨光獻后第二室

太宗暨昭慈后第三室皇作考木亦作妣別土出迷失第四室  
皇伯考察合台伯妣也速倫第五室皇考睿宗皇妣莊聖皇后

第六室定宗 后第七室憲宗及貞節后第八室歲用冬  
祀十一月辛卯詔給京府州司縣官吏俸及職田典音云凡上

日罷任已過初五日者並給本月俸錢其本處官地及墾命忽  
沒絕戶并冒占荒閒地內分給職田各官相沿交收子粒都答兒為中書左丞相丙辰諭四川行院江漢庸蜀等效順其

官吏對階改授有功者遷有才者用民無生業者賑衣糧願遷  
內地者給田廬毋令失所十二月辛酉改四川行院為行中書

省立諸路洞冶所聽制國用司節制丁亥建大安閣于上都鑿  
金口導蘆溝水轉漕西山木石命張柔設天祐同行工部事築

宮城立提點宮城所  
四年丁卯春正月癸卯修曲阜宣聖廟乙巳百濟遣使來朝禁

僧官侵理民訟辛亥以趙璧為樞密副使許衡謝病還懷孟癸  
丑封昔木土山為武定山其神曰武定公泉為靈淵其神曰靈

續通志 卷二 世祖 一



淵侯以駕討阿里不哥駐此僉蒙古軍戶二三丁者一人四五丁者二人

六七丁者三人為軍戊午析上都龍興府自為一路三月巳丑

耶律鑄復為左丞相是年置承相五員辛卯自潼關至蘄縣立河渡官

八員譏察姦偽乙未建習樂堂于中都使樂工肄業壬寅從安

童言止設丞相二員蒙古漢人參用外用老成一二員同議省

事丁巳耶律鑄置宮縣樂成賜名大成樂夏四月甲子新築宮

城于中都東北方六十里為門十二輟耕錄云萬歲山在大內

瓊花島其山皆以玲瓏石壘叠秀若天成引金水河至其後轉

機運澗汲水玉山頂出石龍口注方池伏流至仁智殿後有石

刻蟠龍昂首噴水仰出然後東西流入太液池山上有廣寒殿

殿在太液池中間在南山前白玉橋長二百尺直儀天殿後

在焉每歲巡上都先宴百官于此相傳漢北有一山形與此無

金人望氣者謂此山有王氣謀厭勝之乃求通好既而

所與願得某山以鎮壓我上氣許之金人乃大發卒聚

五州城北積累成山因開挑海子營構宮殿為遊幸之所

五月丁亥朔日食新建孔子廟于上都丙申威州山後

麻等十一族來附壬子增諸路包銀一兩充官俸六月乙丑史

天澤復為左丞相忽都答兒耶律鑄並降平章政事伯顏降右

丞廉希憲降左丞阿里張文謙並降參知政事詔亦即納新附

貧民從人借貸者官為代償秋八月庚申填星犯天躔丙寅以

宣徽院掌供玉食宴享及孳畜芻菽等事用人得自選不由中

書壬午太白犯軒轅大星九月壬辰作玉殿于廣寒殿中乙未

勅汪良臣立寨于母章德山控扼江南以當鈞魚山之衝戊申

復召許衡為祭酒庚戌封皇子忽哥赤為雲南王往鎮大理帝

曰朕固樂其風土曩非曆數在躬當於彼分器焉乃析其國三

十六部為三路冬十月壬戌魚通寧州番部入附以渠長阿奴

版的哥為喝吾等處總管改給鐵旗城後番官璽書符命甲子



歲星犯軒轅大星庚辰定官員廢叙格正從一二品子正七品

從三品子正八品叙正四品子從八品叙從四品子正九品叙

正從五品子俱聽承廢若嫡長子有廢疾立嫡長子之子係如

無立嫡長子同母弟如無立繼室所生如無立妾婢子如絕嗣

者孫降子會孫降孫婢生子及旁廢者皆視合叙品從降一等

十一月乙酉享太廟宮縣登歌樂文武二舞咸備戊戌立新蔡

益津二縣申辰立夔府路總帥府戊開州乙巳填星犯天罇距

星十二月巳卯省平陽路岳陽和川二縣入冀氏安西路櫟陽

縣入臨潼立諸位幹脫總管府

五年戊辰春正月甲午太陰犯井定職官之任遺限及病假滿

百日者並作闕其親老告侍者如之替年後仍聽起用見典閣

月戊午令益都漏籍戶四千淘金棲霞縣每戶歲輸金四錢二

月戊子太陰犯天關巳丑犯井二三月內寅免諸路四品以下官

子孫入質壬申改母章德山為定遠城武羣山為武勝軍丁丑

罷諸路女真契丹漢人為達魯花赤者夏五月辛亥朔以太醫

院拱衛司教坊司及尚食尚果尚醞三局隸宣徽院抄七月癸

丑初立御史臺命右丞相捨察兒為御史大夫帖只為御史中

丞帝曰臺官職在直言朕或有未當其極言無隱毋憚他人朕

當爾主輟耕錄云初置御史臺秩從二品至元七年升正二品

二人後增二人復設侍御史二人治書侍御史二人殿中侍御

史二人後增二人復設侍御史二人治書侍御史二人殿中侍御

色目人如漢人數內監察御史署衙無御史臺三字以為天子

耳目之官非御史大夫以下可制也行臺則不然凡公文所書

臺字並從士從口若戊辰罷諸路打捕鷹坊工匠洞冶總管府

並聽轉運司兼領遣忙古帶率兵征建都蠻九月癸丑罷中都

路和雇所立京師瀕河十倉丁巳阿木統兵圍樊城冬十月戊

寅朔日食巳卯敕中書省樞密院凡事與御史臺官同奏初設



起居注以翰林官兼充十二月戊寅敕二分二至及聖誕節祭

星于司天臺復置乾州奉天縣以好畤永壽二縣省入是歲帝

擊叛王海都于北庭追至阿力麻里之地去上都萬餘里海都

遠遁帝令勿追典章云禁市毒藥如附子烏頭巴豆砒霜之類及不通醫理妄行鍼灸或與婦人墮胎戕害人命者加等治罪并禁割刑剜眼以行孝者

六年己巳春正月癸丑立四道提刑按察使司設副使僉事巡

行各道曰山東東西道河東陝西道山北東西道河北河南道

任滿聽御史臺考核典章云以一道鎮靜諸知大體所察得實民無冤獄者為稱職戊午命史

天澤董師襄陽二月己丑頒蒙古新字詔曰國家肇基朔方制

用文字皆取漢楷及畏吾字以達本朝之言考諸遼金及遐方

諸國例各有字今文治浸興字書方缺特命國師八思巴創家

古新字頒行諸路譯寫一切文書期于順言達意而止凡璽書

頒降俱用新字仍各以其國字副之丁酉敕宮燭毋彩繪鞍靴

箭鏃不得以黃金為飾夏四月辛巳製玉璽大小十紐取阜丁

貧乏軍為民禁成卒毋踐屯田禾稼以真定等路蝗色代輸築

城夫戶賦癸卯命董文炳率兵南征秋七月辛酉製太常寺祭

服已巳立諸路蒙古字學設教授命職官子弟每路二人府州

各一人民間子弟上路三十人下路二十五人充生徒典章云

臺部並用識蒙古字人立西蜀四川監榷茶場司通攷云川運

員作必闈赤譯寫文移成都茶于京兆鞏昌置局發司自廢言榷

賣私自採賣者與私鹽同罪八月己卯立金州招討司丙申命

中書省采輯農桑事定列條目令按察使與州縣官相風土所

宜頒行九月招諭淮蜀官民詔曰朕纂承丕基同仁一視罔間

南北兩淮四川大江以南皆吾赤子即位之始未遑他務首遣

國信使副講信修睦以通和好惟期投戈卷甲使兩地百姓息

續通志

卷二

九



肩咸遂安生樂業之願豈意宋人妄生邊釁是驅若國生靈置之鋒鏑而不恤也恐有無辜枉被殘擾今詔諭彼界官吏軍民人等及我國人或因小過逃亡或勢不獲已因而陷沒者當明知朕不欲用兵之本意爾等即轉禍為福其審圖之見大方通鑑

午定民間貸錢雖踰限止償一本息冬十月巳卯定朝儀服色

壬午升高唐寇氏並為州庚子太陰犯辰星遣官慮囚救諸路

繹寡廢疾人官給廬舍薪米後皆不書十二月戊子築東安渾河堤

巳丑時享畢命國師作佛事于太廟七晝夜造木質金表牌位

十六設大榻金椅奉安祔室前此太廟薦佛事之始析彰德懷孟衛輝為

三路升林慮縣為林州改楨州為韓城縣併省馮翊等州縣十

所始置義倉其法每社置倉令社長主之豐年每丁納米五斗歉歲就給社民

七年庚午春正月丙午耶律鑄廉希憲罷立尚書省罷制國用

使司以忽都答兒為中書左丞相許衡為左丞阿合馬平章尚

書省事張易副之張惠李堯咨麥朮丁並參知尚書省事巳酉

太陰犯畢改諸投下官隸中書省初制以中書省統山東西河

九大都燕京皆隸焉謂之都省此外重地則置二月辛未朔以

伯顏為樞密副使甲戌築昭應宮于高粱河丙子帝御行宮觀

劉秉忠許衡及太常卿徐世隆所起朝儀大悅舉酒賜之丁丑

以歲饑罷築宮城壬辰立司農司以張文謙為卿設四道巡行

勸農官典章云兼管水利舉察勤惰仍委所在親民長官常為

提點年終通考農事成否類申司農司任滿視此為殿

最三月庚子朔日食改諸路行中書省為行尚書省丙辰浚武

縣御河夏四月壬午檀州隕黑霜二夕定諸路達魯花赤子弟

蔭敘充散府諸州達魯花赤其散府諸州子弟充諸縣達魯花

赤諸縣子弟充巡檢癸未定軍官品級萬戶總管千戶百戶總



把以軍士爲差始給軍官俸巳丑省終南縣入蓋屋復置真定  
路贊皇縣太原路樂平縣平灤路撫寧縣五月甲辰威州汝鳳  
川番族渠長來朝以合答平章政事丙辰免上都商稅惟市易  
莊宅奴婢孳畜例收契木工器之費六月庚辰敕戍軍還沿途  
立安樂堂饑者食之病者醫之死者藁葬官給其直丙申立籍  
田于中都東南郊秋七月辛丑設上林署乙丑以遼東開元總  
管府兼本路轉運司事八月戊辰朔阿木築環城以逼襄陽戊  
寅以捨察兒同知樞密院事帖只爲御史大夫辛巳置應昌府  
設官屬在上都東北三百里各見海子係關馬幹羅陳分地至是初建城邑以居賜名應昌九月庚子汰  
僧道有家室者爲民丁巳太陰犯井丙寅括河西戶口定田稅  
冬十月庚午太白犯右執法癸酉定宗廟祝文書蒙古于牲牢  
用野豕時果勿市取之內閣降典中府爲州十一月壬寅癸惑

犯太微西垣上將立侍儀司掌朝會諸儀史天澤築萬山爲一  
字城自是襄樊道絕閏月丁卯朔禁繪段織日月龍虎及以龍  
犀飾馬鞍者壬辰立諸站都統領司總驛傳仍設脫脫禾孫盤  
詰往來奸僞十二月丙申朔改立大司農司增巡行勸農使副  
各四員命御史中丞李羅兼大司農卿以都水監隸之定歲祀  
制每春秋二仲月上戊日祭太社大稷于西南郊立春後丑日  
祭風師于東北郊立夏後申日祭雨師雷師于西南郊凡天子親遣使  
致祭者三日社稷曰先農曰宣聖其嶽鎮海瀆則使者奉璽書  
即其處行禮稱代祀而有司常祀者五日宣聖曰三皇曰嶽鎮  
海瀆曰風師壬寅降河南韶州爲池池縣丁未金齒驃國三部長  
丙附獻馴象三辛酉建大護國仁王寺于高良河更定僧尼服  
色是歲東京路旱南京河南等路蝗免絲銀十之三賑山東淄  
萊路饑者再



八年辛未春正月丙寅太陰犯畢巳卯諭南陽屯田人戶皆內地中產之民遠徙失業各仍還本籍南京諸郡民賦悉改輸米粟貯近地給襄陽軍遣兀都魯帥師鎮西方當當一作當發近畿民二萬八千人築宮城二月乙未朔定官民婚聘禮數一二品者三品者四品者五品者六品者七品者八品者九品者一百二十貫庶人上戶一百貫中戶五十貫下戶二十貫其筵宴職官不過四味庶人不過三味貴賤有差巳亥罷諸路轉運司入總管府移陝蜀行省于興元癸卯以趙璧為中書右丞乙巳大理宣慰寶合丁王傅濶濶帶毒殺雲南王忽哥赤事覺伏誅戊申以治事日程論中外官吏巳未敕軍官佩金銀符其民官工匠所佩者並拘入勿復給辛酉分歸德為散府升中州為南陽府濟州為濟寧府三月乙丑增置河東山西道提刑按察司改河東陝西道為陝西四川道山北東西道為山北遼東道辛巳復立夏邑縣以

礪山併入省穀熟縣入睢陽乙酉許衡以老病乞解機務除集賢大學士兼祭酒如故設蒙古國子學選蒙古漢人官員子孫及俊秀者充生徒好學者兼習算法丁亥熒惑犯太微西垣上將巳丑敕有司毋滯獄以致越訴封皇子燕王乳母趙氏幽國夫人夫鞏德祿追封德育公夏四月壬寅撫寧縣民生子中夜有光詔善加鞠養左右或疑之帝曰世間何幸生一好人母啓嫉心也戊午阿木與宋將范文虎戰于滯灘敗之生擒百餘人五月乙丑以東道兵方圖襄陽分命秦蜀諸將各進兵鄭鼎出嘉定汪良臣出重慶札刺不花出瀘州曲立吉思出汝州以牽制宋師所至順流縱橫獲宋戰艦甚衆丙寅宰魚國來貢巳卯命史天澤平章軍國重事六月甲午諭樞密院凡軍情徑奏不由尚書省有事關錢糧者仍與其議管民官所領錢穀並俟年



終考較乙卯招集河西幹端昂吉阿等處居民秋七月壬戌朔  
設回鶻司天臺官屬丁卯命國王頭箠哥行省北京有訴運山  
侍郎張大悅與宋交通者帝諭之曰宋人善用間計朕不輕信  
毋懷疑懼辛未置左右中三衛親軍都指揮使司掌宿衛扈從  
兼屯田事八月壬辰朔日食己未聖誕節始立內外仗及雲和  
署樂位東川統軍司攻拔銅鈹寨宋總管李慶隆以慶知梁山  
軍九月丙寅罷陝西五路西蜀四川行省以也速答兒行四川  
省事于興元京兆等路直隸尚書省戊辰升成都德陽縣爲德  
州降虢州爲虢畧縣丙子太陰犯畢照今歲享太廟毋用犧牛  
癸未弛四川茶鹽禁帝曰四川民力困敝自今有言茶鹽之利  
者以違制論冬十一月辛酉朔令品官子孫三品以下七品以  
上年二十五上者當傑直一年後分別敘用乙亥定元正朝會

聖節詔赦及百官宣救具公服迎拜

禁川金泰和律建國

號大元詔曰誕膺景命奄四海以宅尊必有美名紹百王而紀  
統唐之爲言蕩也堯以之而著聲虞以之爲言樂也舜因之以作  
號馴至禹興而湯造五名夏大以殷世降以還事殊非古雖  
乘時而有國不以義而制稱爲秦爲漢者止從初起之地名曰  
隋曰唐者僅乃始封之爵邑是皆徇百姓見聞之狃習要一時  
經制之權宜槩以至公不無少貶我太祖握乾符而起朔土以  
神武而肇帝圖肆震天聲大恢土宇方輿之廣歷古所無頃者  
耆宿詣庭奏章由請謂旣成於大業宜早定以鴻名在古制以  
當然于朕心乎何有可建國號曰大元蓋取易經乾元之義茲  
大治流形于庶品孰名資始之功予一人底寧于萬邦尤切體  
仁之要事從因革道協天人於戲稱義而名固匪爲之溢美乎



休惟永尚不負于投艱嘉與敷天其隆大號按元建國曰大元取大哉乾元之義  
建元曰至元取至哉坤元之義殿曰大明曰威寧門曰文明日健德曰雲從曰順成曰安貞曰厚載皆取乾坤二卦之辭  
二月辛卯朔宣徽院請以闕遺漏籍等戶淘金帝曰姑止毋重  
苦吾民也乙巳立新字學士于國史院掌翻譯文字省太常寺  
入翰林院宮殿府入少府監

九年壬申春正月甲子罷尚書省入中書省以阿合馬張易並  
平章政事張惠為左丞李堯各麥木丁並參知政事罷給事中  
中書舍人檢正等官仍設左右司丁丑命西平王奧魯赤領忙  
古帶十八族欲速公弄等土番軍同征建都續降新安州為縣  
隸順天改諸路行尚書省仍為行中書省分置京兆行省壬午  
改山東東路統軍司為行樞密院移鳳州屯田丁鹽白二州二  
月辛卯詔札魯忽赤乃太祖開國所制位列百司上其賜銀印

立左右司

自後多稱也改中都為大都庚子復置

唐州祕陽縣戊申始祭先農于東郊如祭社儀三月甲戌焚民  
間四教經免醫戶差徭阿朮破樊城外郭夏五月戊午朔立和  
林轉運司兼提舉交鈔祭亥遣拔都軍于怯鹿難之地開渠耕  
田罷西番禿魯于諸處金銀礦戶為民乙酉太白犯畢距星建  
宮城東西華左右掖門六月壬辰城乞里吉思屯田租宋師救  
襄陽阿朮敗之龍尾洲宋統制張順張貴死之京師大雨壞墻  
屋壓死者衆禁私鬻回鶻曆秋八月丙戌朔日食戊子立羣牧  
所掌天閑及尚方鞍勒丁未降延州為延津縣與陽武同隸南  
京九月定祀典神農高辛以上聖帝明王及三代開國主所在  
官司三年一祭徽子張良以上忠臣義士所在人民歲時致祭

見典丙寅括諸路正軍貼戶及同籍親戚奴僕丁年既長依權



要避役者並還為軍戊寅太陰犯御女冬十月丙戌朔封皇子  
忙兀刺為安西王賜京兆分地駐兵六盤山遣使持詔諭扮上  
忻都國戊戌以趙璧平章政事張易為樞密副使熒惑犯填星  
巳亥定每歲自七月至十一月終聽捕獵餘月有禁祭卯立會  
同館以居降人及番喇官之來朝貢者百官志稱至元十三年始置今據紀文載此  
十一月壬戌諸王只必帖木兒築新城成賜名永昌府丁卯太  
陰犯畢巳卯併中書省左右司為一同鴨獻巨石礮命送襄陽  
軍前十二月乙酉朔宋將咎萬壽攻成都僉省嚴忠範戰失利  
逮至京癸丑升拱衛司為拱衛直都指揮使司千戶所為大都  
路兵馬司掌京城捕盜事通考云馳都邑民衆寡置馬步弓手  
夜巡邏禁人出入京師南北兩兵馬  
司各至千人每百戶取中產者一人充資發官有網運石流徒  
者至則執兵仗導從以轉授受外此則不敢役示專其捕盜職  
十年癸酉春正月戊午立京師醫學名廣惠司癸亥阿里海牙

取樊城宋將張漢英范天順牛富死之丁卯立秘書監掌歷代

圖籍并陰陽禁書選世家名臣子弟為監丞巳卯置軍器丞盈

二庫分與弓矢甲冑遣使持金十萬兩市藥獅子國典章云定  
秀才學宮

執事用欄二月丙申雲南羅羽渠長阿旭叛殺有司安集其民

丁未宋安撫呂文煥以襄陽降召赴闕其熟麥軍留襄陽屯田

生券軍分隸各萬戶翼三月丙寅帝御廣寒殿詔曰自古帝王

之治天下也莫不立后以正家建儲以定國朕自繼承大統卽

命皇后弘吉刺氏正位中宮仰惟太祖之遺訓俯協諸王之僉

言乃立嫡家燕王真金為皇太子續有日矣此者朝臣懇奏冊

寶之禮宜卽舉行巳于三月日授皇后以玉冊玉寶授皇太子

以玉冊金寶從典禮也咨爾臣民各宜知悉見典壬申分金齒

國為兩路癸酉客星青白如紛絮起畢度五車北復自文昌貫



斗杓歷梗河至左攝提凡二十一日命耶律鑄平章軍國重事  
張惠爲右丞夏四月癸未朔呂文煥入朝授侍衛親軍都指揮  
使襄漢大都督罷中興河南兩路行省命史天澤阿木阿里海  
牙行荆湖樞密院事鎮襄陽合答劉整塔出董文炳行淮西樞  
密院事守正陽爲滅宋計丁酉赦南儒被入畧賣者官贖爲民  
辛丑罷四川行省入西川行院別置東川行院于重慶五月壬  
子朔詔天下獄囚除殺人者待報其餘槩行疎放限八月內如  
期自至大都六月丁亥免大都南京兩路賦役以紓民力漆陝  
西貧難軍甲午改資用庫爲利用監閏月己巳罷東西兩川統  
軍司秋七月辛巳許衡乞罷丙戌赦襄陽生麥軍無妻子者赴  
京老疾者遣還家庚寅省西涼府入永昌路是月霖雨旱祭壇  
川嶽鎮海瀆社稷宗廟八月庚戌朔高麗遣使賀聖誕節後每歲皆

至赦諸路罪囚自至大都就獄者二十二入九月辛巳以合伯  
平章政事甲申生券軍至大都詔釋其械俾從征日本八各賜  
鈔娶妻丙戌以王恂主國學增置生員設東宮宮師詹事以  
次官屬己丑赦自今秋獵鹿豕先薦太廟冬十月庚申命合答  
帶爲御史大夫出御史臺職罰鈔賑貧民升襄陽府爲路初建  
正殿寢殿香閣周廡兩翼室皇子奧魯赤改建都擒其長下濟  
等四人建都降立寧遠都護府大司農言畿內秋禾始收請禁  
民覆耕恐妨芻牧帝以農事有益不許十二月己酉朔省陝州  
號畧朱陽二縣入靈寶罷西夏世官是歲諸路蟲蝻災霖雨害  
稼賑米凡五十四萬五千五百九十石免民代輸僉軍絲銀及  
伐木夫戶稅負前朝官錢母徵

十一年甲戌春正月己卯朔宮闕告成帝始御正殿受朝賀庚



寅初立軍官以功升散官格自龍虎上將軍以下至進義副尉  
 凡三十四階丙午免于鬪采玉工差役阿里海牙阿木入覲力  
 言江南可下宋室可平帝命史天澤伯顏專征僉軍十萬人益  
 之二月戊申朔立儀鸞局掌宮門管鑰供帳燈燭甲寅太陰犯  
 井壬申起廉希憲為北京行省右丞三月庚寅移四川礪門兵  
 戍哈答城辛卯改荆湖淮西二行院為行省伯顏史天澤並為  
 左丞相阿木平章政事阿里海牙為右丞呂文煥參知政事行  
 省荆湖合答為左丞相劉整為左丞塔出董文炳參知政事行  
 省淮西癸巳改金州招討司為萬戶府遣使招諭八魯國夏四  
 月辛亥分陝西隴右諸州置提刑按察司治鞏昌癸丑初建東  
 宮李氏藏書并草木子云帝思創業艱難移沙漠幸未詔安慰  
沙草於丹堦示子孫無忘草地謂之警儉草  
 幹端鴉兒看合失合兒等城諭丞相合答先守沿江堡隘為使

傳往來之衛仍分兵掠荆南鴉山以綴宋之西兵六月庚申聲  
 罪伐宋詔統軍官曰爰自太祖以來彼宋與我使介交通殆非  
 一日彼此曲直之情亦所共知不必經舉逆我憲宗御世朕以  
 藩服奉命南伐師次鄂渚彼賈似道再遣宋京請軍前請罷兵  
 息民願奉歲幣朕以國之大事宗親在上必須入計用報而還  
 卽位之始追憶是言乃命郝經等持書往聘蓋為生靈計也古  
 者兵交使在其間惟和與戰宜嗣報音其何與於使哉而乃執  
 之卒不復命羈此一介行李於彼何益於此何損以致師出連  
 年邊境之間死傷相藉繫累相屬皆宋自禍其民耳襄陽被圍  
 五年旅拒王師義當不貸朕先有成命果能出降許以不死是  
 以既降之後朕不食言悉全其命與宋悔過或啓令圖而乃迷  
 執罔有悛心此問罪之師有不能已者夫以天下為念爰及于



戈自古有之無辜之民初無與焉若彼界官民有能去逆效順  
與眾來降或別立功績者驗等第官資遷賞所附軍民爾等宜  
嚴敕將士毋得妄行殺掠仍加賑給令得存濟其或負固弗從  
及抗拒迎敵者俘戮何疑輟耕錄載世祖下江南檄貫似道之  
罪其文曰宅中圖大天開一統之期  
自北而南雷動六師之眾堪嗟殘宋信任非人若貫似道者處  
之師相之尊委以國柄之重世濟其惡真克憚之貫充謀及迺  
心效姦雉之曹操不學無識舞弄權誇游黃僥免其身比河  
清莫大之績承君之寵如彼其專貪天之功確乎不校惜官爵  
以總寶貨苛條法以苦賢才奪士田而無地可耕變關會而物  
價益昂藉鄰狃者伴食于廟堂任反側者喪師于邊徼恬視雷  
星之召異聞水旱之臻災滿朝皆其私人命將悉由重賂州  
白劑而破世守之法曲丹筆而容天討之刑民心已離而不知  
天命將革而未悟方且貪湖山之樂聚寶王之珍弗顧身死奪  
制以貪榮乃乘君寵立幼而固位以已峻功頌德且自比于周  
公欺人寡婦孤兒反不如乎石勒深懷禍患自肆奸邪合正兩  
觀之誅可紆百姓之怒我大元皇帝聰明知睿神武仁慈焚香  
祝天誓莫殺而北海宇振兵器地隨所向以布皇威一戰乘勝  
而渡江諸將列降而獻土駭角稽首迎我前牙後實先奔易如  
破官昭天斷大信之助成行草履之功合宇宙以清甲子分  
律曆人民于陽史恩寬幼主以下罪正元惡之身

遣忙古帶帥武衛軍南征秋七月乙未伯顏陛辭帝曰古之善  
取江南者惟曹彬一人汝能不殺是吾曹彬也宋主禪  
皇嗣改元德祐八月丁未從史天澤言以荆湖淮西各置行省  
事權難一復改淮西行省為行樞密院天澤至中途有疾而還  
詔太原新僉軍遠戍兩川遣使分括廩粟給其家九月癸巳大  
軍次鹽山距鄂州二十里宋兵當鄂夾漢城萬勝堡南岸戰艦  
千艘鐵絙橫江遏我舟師不得下惟黃家灣有溪經鷓子山入  
唐港可達江宋又築壩置堡其處駐兵固守伯顏督諸軍攻拔  
其堡鑿壩挽舟入溪出唐港整列而進冬十月壬戌歲星犯壘  
壁陣乙丑伯顏督諸將破沙洋堡進次新城宋統制黃順縋城  
降都統邊居誼自焚死趙文義戰死十一月乙酉師次復州宋  
安撫翟貴降癸巳東川元帥楊文安拔宋雲安羅棋高陽城堡

續通志卷一百一十五 宋紀三十五 伯顏攻鄂州



續通志卷二  
壬寅起闕南直大殿及東西殿增選樂工八百人隸教坊十二  
月丙午軍次漢口宋軍守陽羅堡以扼中流伯顏用千戶馬福  
計自漢口開壩引船會輪河趨沙燕徑入大江乙卯阿里海牙  
進軍青山磯破武磯堡己未伯顏次鄂州宋權守張晏然都統  
程鵬飛知漢陽軍王儀知德安府來與國並以城降伯顏留阿  
里海牙鎮鄂州規取荆湖而自與阿木將大軍水陸東下癸亥  
增置歸德永城縣省長武縣入涇川良原縣人靈臺是歲諸路  
野動等蟲災賑米粟凡十二萬餘石天下戶一百九十六萬七  
千八百九十

十二年乙亥春正月甲戌師次黃州宋制置陳奕及其子知漣  
州巖皆以州降乙亥東川元帥張德潤拔禮義城宋女撫張  
資死之癸未師次蘄州宋安撫管景模獻城丙戌次江州宋知

江州錢真孫呂師夔知南康軍葉開六安軍曹明並迎降己丑  
選蒙古漢人有才者赴軍前爲新附州郡民官乙未遣尚書廉  
希賢侍郎嚴忠範秘書監柴紫芝至宋己亥置雲南程縣長及  
規措所二月癸卯師次安慶宋知府事范文虎出降甲辰命博  
魯歡爲淮南都元帥會各部兵于邳州立后土祠于臨汾伏羲  
女媧舜湯河瀆等廟于河中解州洪洞趙城丙午大軍次池州  
宋統制張林以城降權州事趙卯發死之丁未禁無籍自効軍  
俘掠新附軍民戊申詔諭江黃鄂岳漢陽安慶諸處歸附士民  
軍匠僧道人等令農者就耒商者就途士庶緇黃各安已業如  
鎮守官吏妄有騷擾許詣行省陳告庚申召降臣張晏然赴闕  
帝曰朕省卿奏云宋之權臣不踐舊約拘留使者實非宋主之  
罪儻蒙聖慈止罪擅命之臣庶令趙氏有祀卿言良是卿旣不



忘舊主必能輔弼我朝比令伯顏按兵不動仍遣廉希賢等持書往使果能悔過來附既往之愆朕復何究即權臣賈似道尚不欲加罪况肯令趙氏之祀乎若其執迷罔悛未然之事朕將何言天其鑒之辛酉師次丁家洲宋相賈似道親督步帥孫虎臣淮西制置夏貴操戰艦橫亘江中伯顏分步騎夾岸而進舉巨礮擊之宋兵大潰似道走揚州甲子師次蕪湖宋知無為軍劉權知太平州孟之縉降博魯歡軍下邳宋西海州安撫丁順降乙丑阿里海牙取江陵下岳州宋統制孟之紹舉城降戊辰師次承石知和州王善宋史作善降博魯歡次漣州宋知州孫嗣武降庚午師次建康宋都統徐王榮翁福茅世雄曹旺俱以城降賈似道至揚州始送郝經劉人傑歸國命北平王南木合出鎮阿方麻里之地丞相安童行省院事往輔之以防海都三月壬

申朔宋鎮江統制石祖忠江陰軍僉判李世修相繼納款乙亥分兵徇饒州宋知州唐震故相江萬里死之敕安西王忙兀剌分軍從西平王奧魯赤征吐番丙子廉希賢等至建康傳旨令諸將各守營壘無妄侵掠已卯升平陰縣新鎮寨為肥城縣庚辰宋知寧國府顏紹卿知滁州王文虎以城降江東平得府二州五軍二縣四十三甲申置懷遠靈武二縣于申興路分處新民丙戌師至常州宋鈐轄戴之泰通判王虎臣以城降廉希賢等至獨松關為宋人所殺丙申四川側布番官稅昔確州番官莊察等率四十三族詣行院款附庚子分置翰林院專掌蒙古文字其翰林兼國史院職修國史典制誥備顧問辛丑命阿木分兵取揚州王堂綱鑑云有二星夏四月壬寅朔改西夏中興道按察司為隴右河西道丙午阿里海牙軍至江陵宋荆湖宣



撫朱禕孫制置使高達知荆門軍劉懋湖北提刑青陽夢炎李  
湜俱出降遂入江陵分道招諭未下州郡峽歸澧等州常德府  
新舊城各守臣以次歸順辛酉宋郢復二州安撫趙孟翟貴五  
都鎮撫呂文福並以城降癸亥阿朮駐師瓜洲宋兵盡焚廬舍  
遷其民以去丙寅立尚牧監免京畿西京陝西今歲絲銀丁卯  
命李羅爲御史大夫罷隨路巡行勸農官以按察司兼勸農事  
增副使僉事二員庚午師克沙市屠其城宋都統孟玘監鎮司  
馬夢求死之五月辛未朔阿里海牙還鄂州以廉希憲行省江  
陵庚辰遣高達安撫湖南帝曰昔我國家出征所獲城邑卽委  
而去之未嘗留兵戍守以故連年征伐不息夫爭國家者取其  
土地人民而已得地無民其誰與居今務保守城邑使百姓安

安集汝必熟知其事聽汝爲之辛巳宋辰隋均瓦靖房六州守  
臣皆降荆南湖北平得府三州十一年四縣五十七丁亥召伯  
顏赴闕壬辰宋統制劉師勇殿帥張彥王安節據常州惟姚崑  
爲守六月庚子朔日食旣晝晦如夜星見鷄鶩皆歸宋嘉定安  
撫咎萬壽以城降賜名順命僉四川行院事戊午招諭宋四川  
制置使趙定應曰比者青陽夢炎赴闕而陳蜀省事宜奏請緩  
師令自納款姑從所請今遣招討使畢再興宣布大信若能順  
時達變可保富貴毋爲塗炭生靈自貽後悔辛酉宋潼川安撫  
梅應春來降戊辰罷山東經畧司秋七月庚午朔阿朮集行省  
諸翼萬戶兵船于瓜洲阿塔海董文炳集行院諸翼萬戶于西  
津渡宋沿江制置使趙潛樞密都承旨張世傑知秦州孫虎臣  
陳舟師于焦山南北阿朮分遣水軍萬戶劉琛循江南岸東趣



夾灘繞出敵後文炳直抵焦山南麓以倚其右招討使劉國傑  
趨其左萬戶忽刺出擣其中堅張弘範自上流趨焦山北大戰  
乘風縱火焚其舟宋師大敗世傑虎臣走追至圖山獲黃鵠白  
鷓船數百艘宋自此不能軍癸酉太白犯井癸未分命伯顏趨  
臨安阿里海牙取湖南阿木攻淮南萬戶宋都帶李恒尚書呂  
師夔等取江西罷淮西行院以阿塔海董文炳同署省事辛卯  
太陰犯畢甲午進伯顏右丞相阿木左丞相詔僉雲南落落蒲  
納烘等紫軍萬人取察罕章未附種落增置燕南河北道提刑  
按察司八月癸卯伯顏陛辭帝曰若宋君臣相率來附則趙氏  
族屬可保無虞宗廟悉許如故可持詔往諭己未升任城縣爲  
濟州九月己巳太白犯少民庚午從阿合馬請以軍典國用不  
足復立都轉運司九諸路轉運司十一濫增課程己卯太白犯

太微西垣上將乙酉罷襄陽統軍司丙申命玉昔帖木兒爲御  
史大夫括江南諸郡書版及臨安秘書省乾坤寶典諸書冬十  
月戊戌朔享太廟牲仍用牛癸丑太陰犯畢十一月丁卯阿里  
海牙圍潭州乙亥伯顏分兵三道趨臨安阿剌罕率步騎自建  
康四安廣德出獨松關董文炳率舟師循海由澈浦至浙江伯  
顏與阿塔海居中節度諸軍期並會臨安己卯宋都帶次隆興  
宋轉運判官劉槃降都統密佑不屈死江西諸郡相繼歸附得  
府州六軍四縣五十六壬午伯顏屠常州宋守臣姚訔陳炤王  
安節皆死之劉師勇奔平江改順天爲保定府乙酉阿剌罕克  
廣德知軍令狐槃降丙戌太陰犯軒轅大星庚寅伯顏遣降人  
游介實奉璽書副本至宋十二月戊戌填星犯亢辛丑董文炳  
次許浦宋都統祈安以木軍降甲辰伯顏次平江宋都統王邦



傑知府潛說友通判王矩之迎降丁未改諸站提領司爲通政院整飭諸驛戊申太陰犯畢宋主遣右史陸秀夫奉書尊帝爲伯父世守子姪禮請和伯顏不許丙寅阿刺罕次安吉宋安撫趙興可以州降置四川馬湖路省重慶路隆化縣入南川瀘州海山縣入昌黎復置華州鄭縣薊州平谷縣是月祀天始用香酒脯鸞行一獻禮通考云用呂文煥言始權江西茶以會子五十貫準中統鈔一貫是歲天下戶四百七十六萬四千七十七

十三年丙子春正月丁卯朔阿里海牙克潭州宋安撫李玘知衡州尹穀闔室自焚死轉運使鍾瑛都統陳義自殺參議楊霆赴水死湖南不得府一州六年二縣四十伯顏次嘉興宋安撫劉漢傑出降董文炳至午浦宋統制劉英以不軍降辛未文炳至海鹽守臣王興賢劫全沈世隆皆降壬申江回易

路掌市易幣帛諸物辛巳伯顏次崇德宋相陳宜中遣侍郎劉庭瑞等來迓且約面議降事甲申伯顏至阜亭山董文炳阿刺罕以兵來會宜中違約不至宋主遣使賫傳國璽及降表詣軍前其辭曰大宋國主焜謹奉表于大元仁明神武皇帝陛下焜眇焉幼冲遭家多難權奸賈似道背盟誤國至勤興師問罪焜非不欲遷避以求苟全自知天命有歸避將焉往惟是世傳鎮寶不敢愛惜謹奉太皇太后命戒痛自貶削去帝號以兩浙福建江東西湖南二廣四川見存州郡悉上聖朝爲宗社生靈所哀請命伏望聖慈矜全不忍焜三百年宗社遽至殞絕令趙氏子孫世世有賴不敢弭忘伯顏以其表不稱臣仍書宋號不受乙酉師次臨安北十五里宋陳宜中張世傑鄒師勇等挾益廣二王出嘉會門渡浙江遁去輟耕錄云伯顏駐軍阜亭山遣千戶囊加歹等入城慰諭令居



續通志

卷二

三

民門首各貼好投拜三字及聞益王廣王如婺州即命分兵屯守諸門時范文虎安營江浒太皇太后望祝曰海若有靈當使波濤大作一洗而空之無何丙戌宋主昀稱臣降表至己丑遣潮汐三日不至軍馬宴然

千戶囊加帶賞璽北上二月丁酉日中有黑子相盪如鵝卵庚子宋主昀率文武官詣祥曦殿望闕上表乞為藩臣遣賈餘慶謝堂家鉉翁劉岳等充祈請使詣闕待命且命文天祥同行伯顏承制以臨安為大都督府命忙古帶范文虎入視事西浙平得府八州六軍一縣八十一辛丑師克臨江軍宋知軍陳元桂死之丁未慰諭臨安官吏軍民詔曰聞者丞相伯顏上奏宋母后幼主暨諸大臣百官已於正月十八日賞璽綬奉表降附朕惟自古降王必有入覲之禮已遣使特往迎致爾等各守職業勿復妄生疑畏凡歸附以前犯罪悉從原免公私逋欠不得徵理一應抗拒王師及逃亡嘯聚者並赦其罪百官有司諸王邸

第三學寺監秘省史館及禁衛諸司各宜安居州郡官吏勿得

依殘宋故事擅自科歛所有山林河泊薪木花果魚蝦菱芡諸物聽民採取權免徵稅太常寺祭器樂具法服樂工鹵簿儀衛宗正譜牒天文地理圖書及典故文字戶口版籍盡數收取前代聖賢之後及高尚儒醫僧道士筮通曉曆數並山林隱逸名士窮居不能自達者所在官司具以名聞名山大川寺廟或歷代名人遺跡不許侵毀鰥寡孤獨不能自存者量加贍給且命伯顏入宋宮收衾冕圭璧符璽及宮中寶玩車輅輦乘麾仗等物戊午宋制置使夏貴以淮西降得府二州六軍四縣三十四三月戊辰禁江南及西番僧持軍器甲戌宋宗長福王與芮來軍中文天祥自鎮江亡入真州乙亥伯顏發臨安北還留忙兀台鎮浙西峻都鎮浙東董文炳阿剌罕經畧浙閩丁丑阿剌罕

續通志

卷二

三

世祖一



等入宋宮宣詔趨宋主入覲宣讀至免繫頸牽羊之語宋太后  
全氏泣謂宋主曰荷天子聖慈活汝當望闕拜謝拜畢子母肩  
輿出宮唯太皇太后謝氏以疾暫留戊寅立淮西廬州總管萬  
戶府乙酉吉袁顛南四郡來歸閏月丙申置宣慰司于濟寧路  
主印造交鈔供江南軍儲立尚珍署收掌濟寧諸處子粒供酒  
材注惟正畧地涪州克山寨谿洞二十三所甲子以郝禎參知  
政事夏四月乙丑朔省東川行樞密院及成都經畧司入西川  
行院已卯以侍衛親軍征戍久放令還家期以六月各赴軍五  
月乙未朔宋主熈至上都降封瀛國公燕世祖命宰相出  
通州迎接黃羅張幔先燕三宮于會同然以平宋遣官告天  
後十次開筵月支糧萬石日支食肉六千觔燕世祖命宰相出  
地祖宗于上都之近郊白上年十二月于國陽麗正門東南七  
獻禮自後國有大典禮皆即南郊告謝宋益王昞稱帝于福州癸卯復沂莒膠密

寧海五州所括防城軍為民免其租徭二年乙巳阿朮遣兵攻  
拔秦州之新城丁未宋揚州都統姜才攻灣頭堡親軍千戶董  
士元戰死戊申改博州為東昌路升閬州為保寧府六月甲子  
朔以孔子五十三世孫曲阜縣尹孔治兼權主祀事己巳置行  
戶部于大名造交鈔通江南貿易宋江西制置黃萬石以其軍  
來降辛未命阿里海牙征廣西罷兩浙大都督府建行尚書省  
於鄂州臨安壬申設諸路宣慰司以行省官為之並帶相銜其  
已立行省者不更設宣慰司甲戌命贊善王恂都水少監郭守  
敬更造新曆復召許衡赴京商訂戊寅詔作平金平宋錄及諸  
國臣服傳記壬辰宋淮東制置使李庭芝留安撫朱煥守揚州  
與姜才率步騎東走秦州阿朮分道追及闔之秋七月乙巳朱  
煥以揚州降乙卯宋秦州守將孫良臣獻城李庭芝姜才被執



不屆斬之師入真州宋守將苗再成死之通滁高郵諸州相繼  
來附淮東平得州十六縣三十三八月己巳敕漢軍都元帥李  
庭將侍衛軍征河西庚辰以銅爵一豆二獻于太廟敕常傑升  
益以野豕鹿羊葡萄酒宋太皇太后謝氏至燕降封壽春郡夫  
人九月壬辰朔改作太廟金主太祖主題曰成吉思皇帝睿宗  
主題曰太上皇也可那顏皇后皆題名氏癸卯以平宋大赦天  
下丙午敕常德府歲貢包茅丁未隰泂淮及襄漢荆湖諸城甲  
寅太白入南斗乙卯升吐番哈答城爲寧遠府辛酉阿木入覲  
奏得江淮及浙東西湖南北府三十七州一百二十八關一監  
一縣七百三十三冬十月戊子大軍分道取閩廣命阿剌罕董  
文炳忙兀台陵都以舟師出明州塔出呂師夔李恒以騎兵出  
江西十一月戊申阿剌罕克處州宋秀王與樺觀察使李世達

監軍趙由瑒察訪使林溫被執皆不屈死旋破建寧府邵武軍

壬子賜龍答溫軍有功者鈔帛宋主昱航海趨潮州癸丑阿剌

罕軍至福州宋招捕使王積翁爲內應府尹王剛中迎降乙卯

太陰犯填星敕管民官及理財官由中書省銓調軍官由樞密

院定擬十二月辛酉朔癸亥掩鈞鈐丁卯改雲南蘿蔔甸爲元

江府路滇志作戊辰宋提舉市舶使蒲壽庚以泉州降遂徇與

化軍宋知軍陳文龍被械死宋主昱次惠州甲子門遣倪宙奉

表詣軍前請降壬申有告運使姜毅所言多不軌指毅妻子爲

證帝曰妻子豈爲證者耶置弗問庚寅詔諭新附府州軍縣官

吏軍民曰昔以萬戶千戶漁奪其民致令逃散今悉以人民歸

元籍州縣凡管軍將校及宋官吏向有以勢奪民田廬者俾各

還本主無主則以給附近民之無產者其田租商稅茶鹽酒醋



金銀鐵冶竹貨湖舶課程從實辦納故宋繁冗科差如聖節上  
供經總制錢等百有餘條悉與除豁改瑞安府為温州隴州為  
散府荊州復置豐閬縣升鄖陰縣為鄖州臨洮渭源堡為縣分  
立東西二川行樞密院以合丹闊里吉思領東院攻合州不花  
李德輝領西院攻重慶阿里牙破靜江宋守帥馬瑩黃文政  
張虎提刑鄧得遇俱死之廣西州郡皆下是歲東平濟南泰安  
德州漣海清河平灤西京等州皆水旱飢食賑軍民站戶米二  
十二萬五千五百六十石粟四萬七千七百十二石鈔四千二  
百八十二錠有奇天下戶一千五百七十八萬八千九百四十

一西湖類稿云宋降表僉謝名其詩曰  
臣已寫歸降表臣妾僉名謝道清是也

十四年丁丑春正月癸巳大軍進廣東宋循梅二州守臣劉興  
錢榮之迎降新會令曾逢龍東莞義民熊飛戰死丙申以江南

平百姓疲于軍供免今歲絲銀召天師三十六代孫張宗演至

京賜號演道靈應冲和真人還江南領諸路道教置江淮都轉

運鹽司及榷茶轉運司通考云定茶引長短法以三分取一每  
長引計茶一百二十觔收鈔六錢四分

短引計茶九十觔  
收鈔四錢二分丙辰阿刺罕破汀關宋汀守黃去疾監軍吳

浚並降二月癸亥彗星出東北長四尺餘宋瑞州安撫姚文龍

張文顯來降其家屬為宋所害各賜鈔優之甲戌西川行院兵

至重慶營浮屠關宋都統趙安張珏降壬午墮江西諸城惟隆

興濱江仍舊丁亥宋知南恩州陳堯道僉判林叔虎涪州陽立

各以城降命字羅為樞密副使兼宣徽使領侍儀司事遣吳浚

至漳州說文天祥天祥斬之三月辛卯以廣西二十四郡歸附

復建行省于潭州置廣南西路宣撫司于靜江癸巳敕行都水

監兼領漕運乙未宋建寧漳泉等郡守臣邸德傳李珏郭贊李



公度皆以城降壬寅克廣東肇慶府新封等州乙巳命中外官  
所佩金銀符用色組繫于肩腋以免褻瀆著為令庚戌四川南  
平軍都掌蠻羅計蠻及鳳凰中壠羅高厓四砦與播州土官  
楊邦憲思州土官田景賢相繼送款癸丑命汪惟正自東川移  
鎮鞏昌廣南西路慶遠鬱林昭賀藤梧融賓柳象邕廉容貴潯  
悉平得府一州十四復設襄陽南漳二縣升崇明沙為州夏四  
月甲子宋特磨道將軍農士貴安平州李惟屏來安州岑從毅  
以所屬溪洞百四十七來附癸酉省各路轉運司入總管府改  
鹽轉運司四置榷場于礪門黎州與吐番貿易丙戌禁江南行  
用銅錢五月癸巳京畿不雨嚴酒禁犯者籍其家癸卯立廣西  
欽橫二州安撫司救江淮新附官三品以上各遣質子一人入  
侍西番長阿立丁密古等三十一族來附辛亥河南山東饑

河泊禁乙卯選蒙古漢軍朔參宿衛秋七月戊子朔罷大名濟  
寧印鈔局丁酉敕自今非佩符使臣及軍情急速不聽乘傳癸  
卯諸王昔里吉劫北平王南木合囚丞相安童脅諸王以叛使  
通好海都海都不納遂率西道兵至和林北帝命伯顏往擊大  
破之諸王忽魯帶率屬來歸與伯顏軍合乙巳宋張世傑復入  
邵武軍丙午初立行御史臺于揚州統淮東淮西湖北浙東浙  
西江東江西湖南八道每道各增置提刑按察司仍總諸內臺  
令彈劾行省宣慰管軍管屯諸色官吏非違初置行臺其秩如  
內臺二十七年專  
蒞江南之地號南臺西行臺初由雲南廉訪司升大德初移  
治陝西號西臺蒞陝西甘肅四川雲南諸地其秩如南臺命  
相威為御史大夫設行臺監察御史立行中書省于江西以塔  
出為右丞呂文煥為左丞張榮實李恒也的迷失程鵬飛蒲壽  
庚並參知政事帥師定闡廣壬子權大都商稅八月戊午朔新



建太廟于大都李恒自將攻文天祥于興國天祥走至空坑得脫裨將犛信力戰死招討使趙時賞被擒九月丙申廣南東路廣連韶德慶惠潮南雄英德等郡皆平戊申也的迷失復破邵武軍入福州宋主昞次廣州之淺灣詔塔出與李恒呂師夔以步卒出大庾嶺忙兀帶唆都蒲壽庚及元帥劉深等以舟師下海合追宋二王冬十月丙辰朔日食甲申拾海畧地至夔府毀其城唆都破興化軍獲守帥陳瓚車裂之屠其民十一月戊子文天祥與其徒趙孟潛復起兵行省發兵攻之孟潛被殺天祥僅以身免執其妻子赴京師乙未定偽造寶鈔同情者並死改稱宋曰亡宋行在曰杭州劉深攻宋主昞于淺灣張世傑退保秀山十二月丁卯以大都物價翔踴發官廩萬石賑糶貧民庚午梁山軍袁世安以其城及金石城軍民來降乙亥導任河復

民田三千餘頃以耿仁參知政事是歲賑東平濟南等郡饑民米三萬一千餘石粟二萬八千石鈔萬一百錠

十五年戊寅春正月辛卯遣阿老瓦丁將兵戍幹端城巳亥禁軍以畧賣良家子女賜湖州長興縣金沙泉名瑞應泉

此泉茶進貢有司具牲幣祭之始得水事訖則涸宋末屢加浚治泉迄不出至是中書省遣官致祭一夕水溢可溉田千畝因賜今名丙午萬戶禿滿答兒克瀘州宋安撫王世昌死之戊申降

封宋福王趙與芮平原郡公庚戌師入重慶宋涪州守將王明及其子忠訓總管韓文廣張遇春皆死之二月戊午祀先農令

蒙古胄子代耕籍田癸亥升華亭縣為松江府復立河中府萬泉縣辛未以蜀地多嵐瘴弛酒禁丁丑熒惑犯天街壬午唆都

攻潮州屠其民知州馬發死之置太史院掌天文曆法以祭酒許衡兼領三月乙酉命忙兀帶唆都蒲壽庚行省福州鎮撫瀕



海諸郡合刺帶為汾海經畧使帥舟師南征丁亥太陰犯太白  
戊子犯熒惑甲午酉川行院招降重慶等處得府三州六軍一  
監一縣二十棚四十蠻藝司一並招宣勝土恢等城及石榴寨  
相繼來降壬寅詔諸路歲比不登免今年田租絲銀乙巳楊文  
安克咸淳紹慶二府斬郡守鮮龍廣南宣慰使招降雷化高三  
州宋主昱奔化之峒州尋殺廣王昺嗣立夏四月乙卯救脩會  
川縣盤古氏嗣以時雨霑足弛酒禁民衰疾者官為醞釀量給  
之戊午以江南土寇竊發遣官分道撫治儉覈錢穀察郡縣災  
傷吏廉能者舉以聞其貪殘不勝任者劾罷丁丑雲南行省招  
降臨安白衣都泥<sub>男</sub>地賊秦一百九所威楚金齒落落分地城  
寨軍民三萬二千二百<sub>元</sub>老蠻高州筠連等城寨十九所壬  
子行省中書省<sub>行</sub>自谷罷免之官<sub>班</sub>為宣慰使忽為

路官路官為州官以淮浙鹽課直隸行省宣慰官勿預收北京  
行省為宣慰司五月癸未朔定武官承襲制凡主兵官有功陞  
秩者其原職不得令子孫復任惟陣亡者始得襲本職病故者  
授官降一等總把百戶老死者不襲具為令通考云詔渡江總  
把百戶有功升遷  
者總把依千戶降等承襲百  
戶無遞降職名則從本等甲午敕諸職官犯罪受宣者聞奏  
受敕者從行臺處治凡選法自一品至五品為宣授以制命  
之六品以下為救授則中書牒署者受  
省劄者按察使處治其宣慰司案牘聽本道按察使磨劄一應  
罪犯有司勘明俟按察使審覆依例彙奏自行省以下公務小  
事七日中事十五日大事三十日為限乙未改烏蒙路隸雲南  
六月乙卯升西番李唐城為州濟南府為路降西涼府為州宋  
主昺徙居新會之崖山丁卯置甘州和羅提舉司以備軍餉賑  
貧民甲戌汰江南冗官准西宣慰使昂吉兒入覲言阿合馬所



立江西權茶運司及諸路轉運提舉等官多至五百餘人帝顧謂左右曰江南官吏太冗省臣姚樞輩知而不言昂吉兒乃為朕言之近侍因奏阿里海牙屬吏張鼎其人亦參政矣帝即命罷斥傳旨省院臺及翰林院今為行省宣慰及各路達魯花赤佩金虎符者多謬濫可大加裁汰于是以隆興省併入福建仍削各官所帶相銜罷權茶營田司歸本道宣慰司漕運司歸行省各路總管府計戶數多寡分上中下三等設官改南總管府為散府者七為州者一散府為州者二乙亥敕諸司奏事必登起居注戊寅全州西延溪制糴蠻二十所內附己卯命張弘範為蒙古軍都元帥李德副之由海道討宋餘衆秋七月壬午朔天胡有置張烈良提刑總龍起兵應州山阿里海牙追襲之

嶺南廣西道肅建廣東道並設提刑按察使元兆府為安西府太為御驛資成庫為尚用監併皮至旬入總管府丙申復建行省于贛州轄福建江西廣東諸省八月壬子朔追殺宋故官所受告身壬戌漳州安撫使沈世隆守建寧降人郭真持張世傑偽檄至世隆執斬之行省謂世隆擅殺官籍其室帝曰世隆何罪命還其貲仍授本路管民總管甲戌以川蜀山寨徭洞既平其渠州禮義等城仍留兵鎮守餘悉撤毀己卯立提刑按察司于畏吾兒分地辛巳升洛磁為廣平府路諭行省唆都精壽庚曰東南島嶼諸國向有慕義之心可因番舶諸人宣布德意誠能來朝朕將寵禮之其往來互市仰各從所願續資治通鑑長編廣南色紅大如箕中餘裂為百既陸地聲如鼓一時雨乃止九月壬午朔省東西川二行院其成都潼川重慶利州設四宣慰司戊子分揀諸路所括軍為



民冬十月己巳張弘範統舟師由海道襲漳潮惠三州李恒將  
 步騎由梅嶺襲廣州時廣南諸郡相繼復為宋陷庚午徙河南  
 北道按察司治南京十一月丁亥以辰沅靖鎮遠等郡蠻獠接  
 壤民不安業命塔海程鵬飛並為荆湖北道宣慰使置司常德  
 路壬辰阿里海牙畧地至瓊州宋安撫使趙與珞由安國黃之  
 傑皆死之己亥定己除官不之任者並削籍辛丑建寧人黃華  
 集鹽夫及畬民為亂丁未移浙江行省治杭州立淮西宣慰司  
 于揚州閏月庚戌朔羅施鬼國王阿憐內附立羅甸宣慰司  
 司辛亥太白熒惑填星聚于房甲寅置光祿寺領尚食少醢等  
 局  
 二月己巳西南番阿赤都掌蠻得蘭上並安撫使丙申從播  
 州安撫楊升憲請以鼎山縣仍隸播州  
 縣壬寅張弘

範中

通鑑

神走五坡嶺遺前

主執少送大都方

宗人而後去之耶賣國者有所利而為之必不以去者為必  
 與國者也予前辭右相之命而使伯顏軍前被留不遣者必  
 獻國也予職當死所以不死者以度宗二子在浙東故也  
 德祐幼君非汝君耶棄嗣君而立二王忠乎天祥曰社稷  
 也德祐失國當此社稷為重君為輕二王之立原為社稷計  
 從懷愍而北者非忠從二帝者為忠從徽欽而北者非忠從高  
 宗者為忠孝羅曰汝立二王成得甚事天祥曰國家不幸喪亡  
 吾立君以存宗社有一日則盡臣子一日之責人臣事君如子  
 事父母父母有疾雖死不可為豈有不藥之理惟盡吾心焉不  
 可為則天也何必多獄丙午禁玉泉山樵採漁弋戊申追封伯夷  
 言李羅怒命囚于獄  
 昭義清惠公叔齊崇讓仁惠公加封程顯豫國公制曰朕惟三  
 千之徒莫先顏氏睠言徃哲式克似之故河南伯程顯體備至  
 和躬承絕學元氣之會鍾于獨得聖人之道賴以復明繄百世



之真儒豈追崇之可後爰蒐盛典爵以上公於戲緬想德容儼  
揚休而山立聿新禮命敷渙號以風行服此寵章益緝道脉程  
願洛國公制口朕惟孟氏以來千有餘歲不有先覺孰任其傳  
故伊陽伯程願本諸躬行動有師法謂初學入德始乎致知格  
物謂隨時從道在乎觀象玩辭遺書雖見於表章異數尚稽於  
封冊胙之大國庸示褒崇於戲規矩準繩庶有存夫矜式火龍  
黼黻匪徒侈其儀章懋相人文以對休命見河南置  
府于開城路復臨淄臨胸清河為縣導肥河入于鄆淤  
良田是歲會諸王于大都分賜宋寶玉器幣

冊曰南北混同天開一統惟斷惟謀蹴金蹶宋臨安之亡

獨慨 坐視傾覆誰殉以身不 上麟

續弘簡



